

## Rekonstrukcija zgrada pravosudnih institucija uz finansijsku podršku donatora

- Izvršena je rekonstrukcija i nadogradnja sprata zgrade Osnovnog suda u Modriči.
- Izvršena je nadogradnja sprata i obnova prostorija u kompleksu pravosudnih institucija u Sarajevu.
- Izvršena je rekonstrukcija zgrade u kojoj je smješten Odjel za rješavanje sporova malih vrijednosti Općinskog suda u Sarajevu.
- Izvršena je rekonstrukcija zgrade Općinskog i Kantonalnog suda u Sarajevu.
- Izvršena je rekonstrukcija i nadogradnja zgrade Okružnog suda u Istočnom Sarajevu.
- Rekonstrukcija zgrade IV osnovne škole, u kojoj će biti smješten Općinski sud u Mostaru, je u toku.



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



# VSTV BiH

## Podrška unapređenju efikasnosti pravosuđa



VSTV BiH, Kraljice Jelene 88, 71000 Sarajevo, BiH  
Tel. +387 33 707 500, fax: + 387 33 707 550  
Email: [vstvpress@pravosudje.ba](mailto:vstvpress@pravosudje.ba) ili [vstvbih@pravosudje.ba](mailto:vstvbih@pravosudje.ba)  
Web: [www.hjpc.ba](http://www.hjpc.ba), [www.pravosudje.ba](http://www.pravosudje.ba)

## Šta je VSTV BiH?

Visoko sudsko i tužilačko vijeće BiH (VSTV BiH) nezavisna je i samostalna institucija Bosne i Hercegovine, osnovana Zakonom o VSTV-u BiH 1. 6. 2004. godine, čiji je osnovni mandat uspostavljanje i očuvanje nezavisnog, nepristrasnog, efikasnog i odgovornog pravosuđa u Bosni i Hercegovini, te jednak pristup pravdi i jednakost svih pred zakonom. Zakonom su utvrđene sljedeće nadležnosti Vijeća: imenovanje sudija, tužilaca i stručnih saradnika, disciplinska odgovornost, pravosudna uprava i statistika, budžeti pravosudnih institucija, nadzor nad stručnim usavršavanjem, uvođenje informacijsko-komunikacijskih tehnologija (IKT), kao i vodeća uloga u provođenju i koordiniranju reformskih aktivnosti i unapređenju efikasnosti pravosuđa u Bosni i Hercegovini.

## Dosadašnji rezultati:

Efikasnost pravosuđa može se promatrati kroz rezultate koje pravosudni sistem postiže, što se prije svega odnosi na pravovremeno rješavanje sudskih predmeta, kao i na postizanje ažurnosti rada sudova i rada tužilaštava u izvršavanju funkcije krivičnog gonjenja, što je jedan od strateških ciljeva VSTV-a BiH.

## Povećanje efikasnosti sudova

- Ukupan broj neriješenih, tzv. nekomunalnih predmeta tokom 2011. godine smanjen je za 6% u odnosu na 2010. godinu, a 2012. godine za 7% u odnosu na 2011. godinu, nakon što je VSTV BiH 2010. godine usvojio Uputstvo za izradu planova za rješavanje starih predmeta, koje ima za cilj da sudovi isključivo rješavaju predmete prema starosti zaprimljenog dokumenta.

- Zahvaljujući Uputstvu za izradu planova za rješavanje starih predmeta najveći broj sudova je u periodu od 2011. do 2013. godine u potpunosti eliminirao predmete inicirane 1990. godine i ranije, dok je samo tokom 2013. godine broj neriješenih predmeta iniciranih 1995. godine i ranije smanjen za 73%, broj neriješenih predmeta iniciranih 2003. godine i ranije smanjen za 38% u odnosu na broj neriješenih predmeta ovih starosnih grupacija prema podacima iz 2012. godine.

- Produktivnost rada sudova u 2012. godini porasla je za 10% u odnosu na 2011. godinu, a u 2013. godini za 9% u odnosu na 2012. godinu, kada je stupio na snagu Pravilnik o orijentacijskim mjerilima za rad sudija i stručnih saradnika u sudovima u Bosni i Hercegovini s ciljem povećanja produktivnosti sudova u radu po predmetima.

- Rezultati rada sudova po starim predmetima od 2011. godine objavljuju se kvartalno na [www.pravosudje.ba](http://www.pravosudje.ba) i [www.hjpc.ba](http://www.hjpc.ba) u cilju povećanja transparentnosti rada sudova i boljeg upoznavanja javnosti o radu sudova.

- Reorganizirani su poslovni procesi u odabranim prvostepenim sudovima.

- Aktivnosti su usmjerene na promoviranje alternativnih načina rješavanja sporova.

- Unaprijeđen je sistem dostave sudskih pismena.

## Povećanje efikasnosti tužilaštava

- Donošenjem Pravilnika o orijentacijskim mjerilima za rad tužilaca u Bosni i Hercegovini uvedeno je mjerenje rada i ujednačavanje radnog učinka svih tužilaca u Bosni i Hercegovini, čime se nastoji osigurati efikasniji rad tužilaca i tužilaštava u Bosni i Hercegovini.

- Stvorena je nova praksa strateškog planiranja u više od 50% tužilaštava, čime su ojačani kapaciteti rukovodstva tužilaštava. Strategije koje su izrađene vertikalno su usklađene sa ostalim važećim strategijama u državi.

- Uspostavljeni su mehanizmi saradnje, jedinstveno za cijelu Bosnu i Hercegovinu, usvajanjem i stavljanjem u primjenu Uputstva o saradnji tužilaca i ovlaštenih službenih osoba u provođenju radnji dokazivanja.

- Povećan je angažman nevladinog sektora i ojačani kapaciteti strukovnih udruženja u provođenju projekata od značaja za tužilački sistem.

- U toku 2011. godine broj neriješenih istraga smanjen je za 24%, dok je u 2012. godini broj neriješenih istraga smanjen za 10%.

## Informatizacija pravosuđa

- Uspostavljen je sistem elektronske razmjene podataka iz evidencija policijskih tijela i tužilaštava – jedan od uvjeta za očuvanje liberalizacije viznog režima za Bosnu i Hercegovinu.

- U 10 kantonalnih i okružnih sudova i Osnovnom sudu Brčko distrikta u toku 2013. godine završeni su radovi i instalacija audiovizuelnog sistema, čime su stvoreni fizički i tehnički uvjeti za primjenu mjera zaštite svjedoka tokom suđenja. Uspostavljen je videokonferencijski sistem, kojim je povezano 19 sudova, 8 tužilaštava i VSTV BiH.

- Razvijena je nova funkcionalnost CMS-a, koja omogućava primjenu Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini. Za korištenje ove funkcionalnosti educirane su 262 osobe u pravosuđu Bosne i Hercegovine.

- Nastavljena je implementacija CMS-modula za skeniranje ulaznih dokumenata – unapređenje transparentnosti postupka rješavanja predmeta.

- Nastavljena je nabavka i ugradnja neophodne IKT-opreme – povećanje ulaganja u odnosu na prethodne godine.

- Razvijeno je i implementirano softversko rješenje za učenje na daljinu s ciljem kvalitetnijeg i ekonomičnijeg prijenosa znanja i lakše dostupnosti edukativnih materijala.